



## Universitätsbibliothek Paderborn

**Io. Francisci Leonis Eporediensis I. V. D. Episcopi  
Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

40 Processus in causa decimarum, quomodo fieri debeant.

**urn:nbn:de:hbz:466:1-10316**

& Felin. in dicto cap. Sacros. num. 1. vers. immo requiruntur, eod. cit. & sufficit quod unico actu una pro tribus fiat, cum aliquorum competentium dierum intervallo, gloss. in ca. statuimus, in verb. monitionem, & dicto cap. constitutionem, §. statuimus, & ibi gloss. in verb. una de sentent. excommunicat. in 6. &c Monet. eod. cap. 8. num. 69. Non enim subsistunt deducta per Rebus. in quest. ultima num. 15. de decim. quod retinentes decimas sint ipso jure excommunicati, & singulis diebus Dominicis pro excommunicatis a Parochis veniant publicandi, ut bene animadvertisit Monet. eod. cap. 8. num. 65. quia tam antiqui Canones, quam noviter Sacrum Concilium Tridentinum disponunt, quod decimas non solventes excommunicentur, ut in dicto cap. 12. sess. 25. cum aliis supra per Monet. d. num. 65 66. 67. & 68. deducit.

Si vero in praedictis casibus contra communitatē, † vel capitulum agatur, non potest in subsidium procedi ad excommunicationem, quia Universitates non excommunicantur, sed loco excommunicationis supponuntur interdicto, quando ex causa interdici possunt, c. Rom. in si. de sent. excommu. in 6. sed pro debito † pecuniaario quacunque occasione, vel causa Civitates, Castra, Villæ, loca, territoria, vel universitates auctoritate ordinaria sine Sedis Apostolicæ speciali licentia, nec inter dicto supponi possunt, ut in extrav. com. cap proinde, §. presenti, de sent. excom. & Felia. in cap. sane, 2. num. 3. de off. & pot. jud. deleg.

Quando autem † agitur ad decimatum solutionem contra universitatem, vel particularem personam, & liquidō non con-

stat, an decima, vigesima, vel trigesima debeatur, sed dubitatur super quota tunc pro portione liquida, modo quo supra, summarie, & quo ad non liquidam juris ordine servato, admissis articulis, & probationibus desuper faciendis, servatis, servandis, erit procedendum, Bald. intconf. 429. licet iudex n. 1. vers. qui autem gravatur, vol. 3. & ita distinguit Ang. in l. fin. in si. C. ubi quis de cur. vel cohorta, ubi autē dubitatur, an aliquis sit debitor, tunc non habet locum executio lite pendente, sed procedendum est causa cognita, quem sequitur Otasch. decis. 85. n. 1. & 6. vers. quid dicendum, pari modo si oriatur questio de decimis ecclesiasticis inter laicum prætentem, se infeudatum ante concilium Lateranen. & alios laicos negantes totam, vel quotam, quia, donec laicus probaverit infeudationem legitimo tempore factam, & liquidam quotam, via ordinaria admissis legitimis probationibus procedere debet gl. in a. clem. dispensiosam, in verb. decim. in princ. ad laicorum instantiam † pro præstatione decimarum nullus per censuram ecclesiasticam compelli potest, Rot. decis. 14. in fin. de jud. & est ratio differentia; quia debitæ de jure communi & divino, habent fundamentum indubitatū, quod non admittit exceptionem requirentē altiorem indaginem in contrarium, sed, quando prætenduntur jure speciali, ut pacto, pollicitatione, voto, vel infeudatione, tunc non proceditur summarie, quia non habet locum clem. dispensiosā, ut declarat gl. eo verb. decimus, & ibi Ioan. de Imol. n. 4. Card. n. 19. & sequitur Monet. d. q. 8 n. 46. & 47. sed actor suam intentionem concludenter probare tenetur, alias auctore non probante, reus absolv-